

## ხელშეკრულება სახელმწიფო შესყიდვის შესახებ № 09-2017

ნორმატიული აქტების საინფორმაციო-საძიებო სისტემა «კოდექსი-  
ოფისი 2007»-ის ინფორმაციულ მომსახურებაზე

ქ. თბილისი

18 იანვარი, 2017 წ.

შ.პ.ს. "ინფოსერვისი" მისი დირექტორის ზურაბ თეთრაძის სახით, წოდებული შემდგომში "მიმწოდებელი", ერთის მხრივ და სსიპ საქართველოს ტექნიკური უნივერსიტეტი ადმინისტრაციის ხელმძღვანელის ქეთევან ქოქრაშვილის სახით, წოდებული შემდგომში "შესყიდველი" მეორეს მხრივ, ვდებთ წინამდებარე ხელშეკრულებას შემდეგზე:

### 1. ხელშეკრულების საბანო

1.1. სტუ-ს საკუთარი შემოსავლების დაფინანსების ფარგლებში მიმწოდებელი გადასცემს საკანონმდებლო და კანონქვემდებარე აქტების საინფორმაციო-საძიებო სისტემას - "კოდექსი-ოფისი 2007" (შემდგომში "კოდექს-ოფისი"). (CPV 48611000 - მონაცემთა ბაზის პროგრამული პაკეტი) "კოდექს-ოფისი" მუშაობს ოპერაციულ სისტემებში - MS-WINDOWS 7/XP, და შედგება სამი პროგრამისაგან:

- ა) "კოდექსი 2007"
  - ბ) "კოდექსი 2007 - კოდიფიცირებული"
  - გ) "კოდექსი 2007 - საერთაშორისო ხელშეკრულებები"
- 1.2. "კოდექსი 2007" მოიცავს მიღებულ და მოქმედ:
- საქართველოს კონსტიტუციას;
  - საქართველოს პარლამენტის კანონებს და დადგენილებებს;
  - საქართველოს პრეზიდენტის (პარლამენტის თავმჯდომარე-სახელმწიფო მეთაურის) ბრძანებულებებს და განკარგულებებს;
  - საკონსტიტუციო და უზენაესი სასამართლოების განჩინებებს, გადაწყვეტილებებსა და პლენუმის დადგენილებებს;
  - საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;
  - საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები, და ა.შ.);
  - ქ. თბილისის საკრებულოსა და მერიის საქალაქო კოლეგიის გადაწყვეტილებებს, აგრეთვე მუნიციპალიტეტის კაბინეტის დადგენილებებს;
  - საბაჟო სამსახურის, ქონების მართვის სამინისტროს და სხვა სამინისტროების მრავალ დოკუმენტს.

1.3. "კოდექსი 2007 - კოდიფიცირებული" მოიცავს მიღებულ და მოქმედ და კოდიფიცირებულ საქართველოს ყველა კანონსა და კოდექსს;

1.4. "კოდექსი 2007 - საერთაშორისო ხელშეკრულებები" მოიცავს მოიცავს მიღებულ საქართველოს მიერ ხელმოწერილ საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

1.5. შესყიდვის საშუალება - გამარტივებული შესყიდვა (სახელმწიფო შესყიდვების შესახებ საქართველოს კანონის 10<sup>1</sup> მუხლის, მე-3 პუნქტის, „ი“ ქვეპუნქტის შესაბამისად).

### 2. შესყიდვის ობიექტის მოწოდების ვადა

2.1. შესყიდვის ობიექტის მოწოდების ვადა - ხელშეკრულების გაფორმებიდან 2017 წლის 31 დეკემბრამდე

### 3. შესყიდვის ობიექტის ღირებულება და

#### ანგარიშსწორების წესი

3.1. მონაცემთა ბაზების ყოველკვარტალური ინფორმაციული განახლება ერთ კომპიუტერზე (სერვერზე) ანაზღაურდება კვარტალში 120 (ას ოცი) ლარის ოდენობით, ხოლო "კოდექს-ოფისი"-ს სხვა კომპიუტერებზე დაყენების შემთხვევაში, ყოველი დამატებითი კომპიუტერისათვის აღნიშნულ თანხას კვარტალში დაემატება 30 (ოცდაათი) ლარი.

3.2. მონაცემთა ბაზების ყოველკვარტალური ინფორმაციული განახლება 25 (ოცდახუთი) კომპიუტერისათვის კვარტალში შეადგენს 840 (რვაას ოთხმოცი) ლარს. ხელშეკრულების წლიური ღირებულება შეადგენს 3360 (სამი ათას სამას სამოცი) ლარს.

3.3. გადახდა მოხდება ყოველკვარტალურად, წარმოდგენილი საგადასახადო ანგარიშ-ფაქტურის მიხედვით.

3.4. ხელმოთ აღნიშნული ყველა თანხა მოიცავს დამატებითი ღირებულების გადასახადს.

#### 4. ხელშეკრულების შესრულების კონტროლი

4.1. შემსყიდველი უფლებამოსილია ჩაატაროს კონტროლი და ზედამხედველობა მიმწოდებლის მიერ ნაკისრი ვალდებულებების შესრულებაზე. ხელშეკრულების პირობების შესრულების კონტროლს სტუ-ს მხრიდან განახორციელებს ს. ფარსელაშვილი (შესყიდვების დეპარტამენტის უფ. მოადგილე), ხოლო მიღება-ჩაბარების აქტი გაფორმდება მიმწოდებელსა და შემსყიდველის მხრიდან: ნ. ხოლუაშვილი (სამართლებრივი უზრუნველყოფის დეპარტამენტის უფ. მოადგილე) შორის.

4.2. შესყიდვის ობიექტის მიწოდება დასტურდება ორივე მხარის მიერ ხელმოწერილი მიღება-ჩაბარების აქტით.

#### 5. მხარეთა პასუხისმგებლობა

5.1. მიმწოდებელი ვალდებულია განახორციელოს "კოდექს-ოფისი"-ს ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.

5.2. "კოდექს-ოფისი"-ს ინფორმაციული განახლება შემსყიდველის სურვილის თანახმად მოხდება ელექტრონული ფოსტის გამოყენებით.

5.3. შემსყიდველი ვალდებულია დაიცვას საინფორმაციო-საძიებო სისტემა "კოდექს-ოფისი" არასანქცირებული გამრავლებისაგან.

5.4. შემსყიდველი ვალდებულია შესყიდვის ობიექტის ღირებულება გადაიხადოს მიღება-ჩაბარების აქტის 10 სამუშაო დღის ვადაში. ამასთან, მიმწოდებელმა უნდა წარმოადგინოს საგადასახადო ანგარიშ-ფაქტურა.

#### 6. ხელშეკრულების პირობების შეუსრულებლობა

6.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების ღირებულების 0,02%-ის ოდენობით

6.2. ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შესასრულებელი ვალდებულების ღირებულების 10%-ის ოდენობით

#### 7. შორს-მაჟორი ანუ გაუთვალისწინებელი

##### შემთხვევაები

7.1. ხელმოწერი მხარე ამ ხელშეკრულების პირობების შესრულებისაგან თავისუფლდება ნაწილობრივ ან მთლიანად, თუ შეუსრულებლობა განპირობებული იყო გადაულახავი დაბრკოლებით (მიწისძვრა, წყალდიდობა, ხანძარი, დესტაბილიზაცია სახელმწიფოში), რასაც ხელშეკრულების დადების მომენტში ხელმოწერი მხარე ვერ გაითვალისწინებდა მის ხელთ არსებული საშუალებებით.

7.2. ხელმომწერი მხარე ან მისი კანონიერი მემკვიდრე (მეურვე), რომელიც გადაულახავი დაბრკოლების პირობებს იმოწმებს, მოვალეა დაუყოვნებლივ აცნობოს ეს მეორე მხარეს წერილობით. თუ ხელმომწერი მხარე შესაბამის შეტყობინებას არ გაუგზავნის ან დააგვიანებს, იგი მოვალეა მიყენებული ზარალი აუნაზღაუროს მეორე მხარეს 2 თვეში.

## 8. ხელშეკრულების განსაკუთრებული პირობები

8.1. ეს ხელშეკრულება შეიძლება გაუქმდეს ან შეიცვალოს მხარეთა შეთანხმებით.

8.2. საკითხები, რომლებიც განხილული არ არის ამ ხელშეკრულებაში, გადაწყდება დამატებითი ხელშეკრულების დადებით.

8.3. ქონებრივი ან არაქონებრივი დავა, რომელთა გამო მხარეები ვერ შეთანხმდებიან, გადაწყდება სასამართლოში საქართველოს კანონმდებლობის შესაბამისად.

8.4. ინფლაციური პროცესების შემთხვევაში "კოდექს-ოფისი"-ს ინფორმაციული განახლების ანაზღაურება შეიძლება შეცვალოს მხარეთა შეთანხმებით.

## 9. ხელშეკრულების მოქმედების ვადა და მხარეთა იურიდიული მისამართები

9.1. ამ ხელშეკრულებას მხარეები დებენ 2018 წლის 31 იანვრამდე.

9.2. ხელშეკრულება შედგენილია ორ ეგზემპლარად და ორივეს თანაბარი იურიდიული ძალა ენიჭება მხარეთა მიერ ხელშეკრულების ხელმოწერის დღიდან.

9.3. მხარეთა იურიდიული და საბანკო რეკვიზიტებია:

მიმწოდებელი

შ.პ.ს. "ინფოსერვისი"  
თბილისი, ხეთაგუროვის ქ4  
ტელ: 295-10-36  
საიდენტიფიკაციო კოდი 200001229  
საბანკო რეკვიზიტები:  
ბანკი "რესპუბლიკა"-ს  
სადგურის ფილიალი  
ანგარიშის № GE31BR0600003608002037  
კოდი REPLGE22

შემსყიდველი

სსიპ საქართველოს ტექნიკური უნივერსიტეტი  
ქ. თბილისი, კოსტავას №77  
ტელ: 2365203  
საიდენტიფიკაციო კოდი 211349192  
საბანკო რეკვიზიტები:  
სახელმწიფო ხაზინა  
ა.ა. სახაზინო კოდი 708977289  
ბანკის კოდი TRESGE22

შ.პ.ს. "ინფოსერვისი"  
დირექტორი  
ზურაბ თეთრაძე



სსიპ საქართველოს ტექნიკური უნივერსიტეტი  
ადმინისტრაციის ხელმძღვანელი  
ქეთევან ქოქრაშვილი



ხელწერილი

ინტერესთა კონფლიქტის არარსებობის შესახებ

ქ. თბილისი

18.01.2017წ.

ხელმოწერით ვადასტურებ, რომ ჩემს მიერ დაკავშირებული საქმიანობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფები შპს „ინფოსერვისი“-სთან.

სტუ-ს ადმინისტრაციის ხელმძღვანელი

ქ. ქოქრაშვილი

სტუ-ს შესყიდვების დეპარტამენტის უფროსის  
მოადგილე

ს. ფარსელაშვილი

სტუ-ს სამართლებრივი უზრუნველყოფის  
დეპარტამენტის უფროსის მოადგილე

ნ. ხოლუაშვილი